



草木典第一百二十九卷

石松部彙考

釋名

石松  
拾遺

玉柏  
綱目

石松圖



本草綱目 石松集解

陳藏器曰生天台山石上似松高二三尺山人取根莖用 李時珍曰此卽玉柏之長者也名山

皆有之

氣味

甘辛溫無毒

主治

陳藏器曰久患風痺脚膝痛冷皮膚不仁氣力衰弱久服去風血風瘡好顏色變白不老浸酒飲良

石韋部彙考

釋名

石韋 本經

石皮 別錄

瓦韋 本經

石韞 綱目

石蘭 綱目

金星草 綱目

石韋圖



本草綱目 石韋釋名

陶弘景曰蔓延石上生葉如皮故名石韋  
李時珍曰柔皮曰韋韠亦皮也

集解

別錄曰石韋生華陰山谷石上不聞水聲及人聲者良二月采葉陰乾  
陶弘景曰處處有之出

建平者葉長大而厚

蘇恭曰此物叢生石旁陰處亦不作蔓其生古瓦屋上者名瓦韋療淋亦

好

蘇頌曰今晉絳潞海福州江寧皆有之叢生石上葉如柳背有毛而斑點如皮福州別有一

種石皮三月有毛采作浴湯治風

李時珍曰多生陰厓險罅處其葉長者近尺闊寸餘柔靱如

皮背有黃毛亦有金星者名金星草並凌冬不凋又一種如杏葉者亦生石上其性相同

### 修治

別錄曰凡用去黃毛射人肺令人欬不可療

大明曰入藥去梗須微炙用一法以羊脂炒乾用

### 氣味

苦平無毒

別錄曰甘

甄權曰微寒

徐之才曰滑石杏仁射干爲之使得菖蒲良製丹

### 砂礬石

### 主治

本經曰勞熱邪氣五癰閉不通利小便水道

別錄曰止煩下氣通膀胱滿補五勞安五臟去惡

風益精氣

陳日華曰治淋瀝遺溺

蘇頌曰炒末冷酒調服治發背

李時珍曰主崩漏

金瘡清肺氣

附方

小便淋痛石韋滑石等分爲末每飲服刀圭最駛聖惠方 小便轉脬石韋去毛車前子各二錢半

水二錢煎一錢食前服指迷方 崩中漏下石韋爲末每服三錢溫酒服甚效 便有血石皮

爲末茄子枝煎湯下二錢普濟方 氣熱欬嗽石韋檳榔等分爲末薑湯服二錢聖濟錄

石莧部彙考

釋名

石莧 圖經 石垂 附



石莧圖



本草綱目 石莧集解

蘇頌曰生筠州多附河岸沙石上春生苗莖青高一尺以來葉如水柳而短八九月土人采之

氣味

辛苦有小毒

主治

蘇頌曰同甘草煎服主齁齕又吐風涎

附錄石垂

蘇頌曰生福州山中三月花四月采子生擣爲末丸服治蟲毒

石斛部彙考

釋名

石斛

本經

禁生

本經

林蘭

本經

石遂

別錄

杜蘭

別錄

木斛

別錄

麥斛

唐本草

雀髀斛

唐本草

金釵

綱目

千年潤

綱目

百丈鬚

藥譜



石斛圖

斛石州溫



斛石州春



本草綱目 石斛釋名

李時珍曰石斛名義未詳其莖狀如金釵之股故古有金釵石斛之稱今蜀人栽之呼爲金釵花盛弘之荊州記云來陽龍石山多石斛精好如金釵是矣林蘭杜蘭與木部木蘭同名恐誤

集解

別錄曰石斛生六安山谷水旁石上七月八月采莖陰乾

陶弘景曰今用石斛出始興生石上

細實以桑灰沃之色如金形如蚱蜢髀者佳近道亦有次於宣城者其生樸木上者名木斛其莖至虛長大而色淺不入丸散惟可爲酒漬煮之用俗方最以補虛療腳膝 蘇恭曰今荊襄及漢中

江左又有二種一種似大麥纍纍相連頭生一葉而性冷名麥斛一種莖大如雀髀葉在莖頭名雀

髀斛其他斛如竹而節間生葉也作乾石斛法以酒洗蒸暴成生者漬酒勝於乾者

蘇頌曰今

荊州光州壽州廬州江州温州台州亦有之以廣南者爲佳多在山谷中五月生苗莖似小竹節節間出碎葉七月開花十月結實其根細長黃色惟生石上者爲勝 寇宗奭曰石斛細若小草長

三四寸柔靱折之如肉而實今人多以木斛混之亦不能明木斛中虛如木長尺餘但色深黃光澤

耳 李時珍曰石斛叢生石上其根糾結甚繁乾則白軟其莖葉生皆青色乾則黃色開紅花節上自生根鬚人亦折下以砂石栽之或以物盛挂屋下頻澆以水經年不死俗稱爲千年潤石斛短而中實木斛長而中虛甚易分別處處有之以蜀中者爲勝

修治

雷敦曰凡使去根頭用酒浸一宿暴乾以酥拌蒸之從巳至酉徐徐焙乾用入補藥乃效

氣味

甘平無毒

吳普曰神農甘平扁鵲酸李當之寒

李時珍曰甘淡微鹹

徐之才曰陸英

爲之使惡凝水石巴豆畏雷丸僵蠱

主治

本經曰傷中除痺下氣五臟虛勞羸瘦強陰益精久服厚腸胃

別錄曰補內絕不足平胃氣長

肌肉逐皮膚邪熱痹氣腳膝痛冷痺弱定志除驚輕身延年

甄權曰益氣除熱治男子腰腳軟

弱健陽逐皮肌風痺骨中久冷補腎益力

陳日華曰壯筋骨煖水臟益智清氣

李時珍曰

治發熱自汗癰疽排膿內壅

發明

雷斅曰石斛鎮涎澀丈夫元氣酒浸酥蒸服滿一鎰永不骨痛也

寇宗奭曰石斛治胃中虛熱

有功

李時珍曰石斛氣平味甘淡微鹹陰中之陽降也乃足太陰脾足少陰右腎之藥深師云

蠶濕精少小便餘瀝者宜加之一法每以二錢入生薑一片水煎代茶飲甚清肺補脾也

附方

睫毛倒入川石斛川芎麝等分爲末口內銜水隨左右嚙鼻日二次

袖珍方

飛蟲入耳石斛數條

去根如筒子一邊紆入耳中四畔以蠟封閉用火燒石斛盡則止熏右耳則蟲從左出未出更作

聖濟

錄

石斛部雜錄

西溪叢語石斛出始興六安山傍石上或生木上謂之木斛不中用盛弘之荊州記云隋郡永王縣有瀧石山山上多石斛精好如金環

石帆部彙考

圖缺

本草綱目 石帆集解

陶弘景曰石帆狀如柏水松狀如松

陳藏器曰石帆生海底高尺餘根如漆色至稍上漸軟作

交羅紋

大明曰石帆紫色梗大者如筍見風漸硬色如漆人以節作珊瑚裝

蘇頌曰左思

吳都賦草則石帆水松劉涓子林註云石帆生海嶼石上草類也無葉高尺許其花離樓相貫若死則浮水中人於海邊得之稀有見其生者

氣味

甜鹹平無毒

主治

陶弘景曰石淋

陳藏器曰煮汁服主婦人血結月閉

石蕊部彙考

釋名

石濡 別錄

石芥 別錄

石蕊 拾遺

雲茶 綱目

蒙頂茶 綱目

石蕊圖





本草綱目 石蕊釋名

李時珍曰其狀如花蕊其味如茶故名石芥乃茶字之訛

集解

陳藏器曰石蕊生泰山石上如花蕊爲丸散服之今時無復有此也王隱晉書唐褒入林慮山食木實餌石蕊遂得長年卽此也 又曰石濡生石之陰如屋遊垣衣之類得雨卽展故名石濡早春

青翠端開四葉山人名石芥

李時珍曰別錄石濡具其功用不言形狀陳藏器言是屋遊之類

復出石蕊一調功同石濡蓋不知其卽一物也此物惟諸高山石上者爲良今人謂之蒙頂茶生竟州蒙山石上乃烟霧薰染日久結成蓋苔衣類也彼人春初刮取暴乾餽人謂之雲茶其狀白色輕薄如花蕊其氣香如薑其味甘澹如若不可煎飲止宜咀嚼及浸湯啜清涼有味唐褒入山餌此以代茗而已長年之道未必盡緣此物也

氣味

甘溫無毒 李時珍曰甘澹涼

主治

別錄曰石濡明目益精氣令人不饑渴輕身延年

陳藏器曰石蕊主長年不饑

李時珍曰

生津潤咽解熱化痰

絡石部彙考

釋名

絡石

本經

石鯨

本經

石龍藤

別錄

懸石

別錄

雲珠

別錄

略石

別錄

領石

別錄

明石

別錄

石蹉

別錄

耐冬

圖經

雲英

綱目

雲丹

綱目

雲花

綱目

鬼纏腰

外科精要

絡石圖



根繞曰石盤即目益壽桑令人不驚風神長服平

刺藤曰石盤生

有藥曰

主